

Usvojen Budžet BPK-a Goražde i Zakon o izvršenju budžeta za 2009.godinu

Skupština Bosansko-podrinjskog kantona Goražde održala 27. marta 2009. godine nastavak svoje 20.redovne sjednice.

U prvom dijelu ove sjednice koja je održana 24.marta zaključena je rasprava o Prijedlogu Budžeta Bosansko-podrinjskog kantona Goražde za 2009. godinu. U nastavku ove sjednice premijer BPK-a Goražde Nazif Uruči iznio je stav Vlade BPK-a Goražde po uložnim amandmanima na Prijedlog ovog budžeta.

Uruči Nazif – premijer BPK-a Goražde

Vlada je razmatrala sve amandmane na Budžet Bosansko-podrinjskog kantona Goražde 2009. godinu i očitovala se o njima. Ukoliko se usvoje kako se Vlada očitovala, Budžet Bosansko-podrinjskog kantona Goražde bi iznosio 40.967.390 KM, što je za 150.000 KM više nego što je bio Prijedlog Budžeta.

Prihodovna strana je povećana na kodu 811 110 – Primici od prodaje stalnih sredstava i iznosi 150.000 KM.

Budžetska rezerva poslije svih amandmana iznosila bi 88.000 KM.

AMANDMAN I

Predložen je od tri predlagača Terović Dževada, Đozo Hasana i Imamović Ibrahima.

Svi su govorili o povećanju sredstava na kodu 614 400 – Podsticaj industrijskoj proizvodnji i imali su različite prijedloge za uvećanje.

Vlada BPK-a Goražde prihvata ovaj amandman. Mora na nekoga glasiti, pa je na ime Terović Dževada. Ovaj amandman je uvažen, tako da se sada kod 614 400 – Podsticaj industrijskoj proizvodnji uvećava za iznos od 300.000 KM i ukupno iznosi 800.000 KM.

Razliku sredstava po ovom amandmanu obezbijediti umanjenjem ekonomskog koda 611 100 – Tekuća budžetska rezerva za iznos od 300.000 KM.

AMANDMAN II

Predložen je od Kluba poslanika Stranke za Bosnu i Hercegovinu

Zahtjev Stranke za Bosnu i Hercegovinu bio je da se sa ekonomskog koda 614 100 – grant Općini Goražde planirani iznos od 960.000 KM poveća na iznos od 1.260.000 KM /tj. povećanje za 300.000 KM/

Vlada nije prihvatila ovaj Amandman iz razloga što će sve općine ostati na 960.000 KM iako im nedostaje sredstava, jer to Budžet u ovom trenutku ne može izdržati.

AMANDMAN II

Da se na ekonomskom kodu 821 600 – Investicije u vodoprivredne objekte planirani iznos od 140.000 KM poveća na 440.000 KM /tj. za 300.000 KM/

Vlada nije prihvatila ovaj amandman iz razloga što je 140.000 KM zakonska obaveza obezbjeđenje ovih sredstava od strane budžetskog korisnika i ona su u ovom trenutku moguća, a ostalo bi povećavalo Budžet bez realnog izvora prihoda.

AMANDMAN III

Da se na ekonomskom kodu 615 100 – Kapitalni projekti nižim nivoima vlasti planirani iznos od 280.000 KM poveća na 420.000 KM /tj. za 140.000 KM/ i to namjenski za finansiranje deponije čvrstog otpada koja je također od kantonalnog interesa, a planirana je u Budžetu Općine Goražde za period 2009.-2011.

Vlada nije prihvatila ovaj amandman. Deponija čvrstog otpada je stvar lokalne zajednice. Kada lokalna zajednica Općina Goražde i druge lokalne zajednice sa regije budu kompletirale projekat Regionalne deponije Vlada će se uključiti u maksimalnom kapacitetu i obezbijediti sredstva za njegovu realizaciju.

AMANDMAN Komisije za obrazovanje, kulturu, informisanje i sport

Vlada je donijela Odluku o djelimičnom prihvatanju amandmana Komisije za obrazovanje, kulturu, informisanje i sport.

Na kodu 614 100 – Ostali transferi, informisanje, Centar za stručnu obuku iznos od 300.000 KM povećava se za 80.000,00 KM, tako da ukupna sredstva na ovom ekonomskom kodu iznose 380.000 KM.

AMANDMAN I dr. Frašto Emira

- Kod Kantonalnog suda Goražde umanjiti 50.000 KM
- Kod Općinskog suda Goražde umanjiti 30.000 KM
- Kod Kantonalnog tužilaštva Goražde umanjiti 30.000 KM

AMANDMAN II

Ovako dobijena sredstva da se dodijele:

- 30.000 KM za udruženja koja okupljaju određene osobe sa onesposobljenjem u razvoju;
- 40.000 KM Domu za stara i iznemogla lica;
- 40.000 KM za majke porodilje koje rode troje i više djece.

Amandman III

Da se prodaju tri nova „Pasata“ i ta sredstva da se usmjere tamo gdje se ocijeni da je najracionalnije.

Vlada nije prihvatila ove Amandmane iz slijedećih razloga:

Amandman I nije u nadležnosti Kantona, već se radi o nadležnosti koje određuje Visoko sudsko i tužilačko vijeće sa pridonadležnostima sudova i tužilaštva i na to ne možemo uticati.

Što se tiče **Amandmana II** za ove kategorije su već predviđena sredstva, za 9 udruženja koja okupljaju osobe sa određenim onesposobljenjima, Domu za stara i iznemogla lica vidjet ćete kroz slijedeće amandmane koliko se predviđa, a Zakonom o zaštiti porodica sa djecom imamo već stavku da majke porodilje za svako treće i slijedeće dijete imaju bez ograničenja naknadu od 40% prosječne plaće u Kantonu do, praktično, 25 godine djeteta, ako nema prekida u školovanju.

Amandman III

U Programu rada Vlade, između ostalog, prihodovnu stranu smo povećali sa primicima od 150.000 KM. Ukalkulisali smo prodaju stalnih sredstava kako bi došli do određenog izvora sredstava.

Amandmani Kluba Socijaldemokratske partije BiH

Vlada je donijela Odluku o djelimičnom prihvatanju Amandmana Kluba Socijaldemokratske partije BiH na Prijedlog Budžeta BPK-a Goražde za 2009. godinu.

Amandman I

Ekonomski kod 614400 Subvencije javnim ustanovama /Zavod za javno zdravstvo/ povećati za 50.000 KM i isti će iznositi 150.000 KM, što znači da se povećava za 50.000 KM sa koda – Tekuća budžetska rezerva 611 100.

Amandman II

Ekonomski kod 614 400 – Subvencije javnim ustanovama /Dom za stara i iznemogla lica/ povećati za iznos od 50.000 KM i isti iznosi 110.000 KM.

Razliku sredstava po ovom Amandmanu obezbijediti umanjnjem ekonomskog koda 611 100 – Tekuća budžetska rezerva za iznos od 50.000 KM.

Amandman III

Ekonomski kod 614 200 – Ostali grantovi pojedincima povećati 130.000 KM i isti iznosi 150.000 KM.

Ekonomski kod 615 200 – Kapitalni grantovi neprofitnim organizacijama uvećati za 20.000 KM i isti iznosi 200.000 KM.

Razliku sredstava po ovom Amandmanu obezbijediti iz prihoda sa novootvorenog ekonomskog koda 811 110 – Prihodi od prodaje stalnih sredstava i opreme u iznosu od 150.000 KM.

Novi kod je akceptirao ovo što sam pročitao. Amandman IV se ne prihvata, jer je sadržan u prethodnim amandmanima.

Amandman Kumro Mesuda

Vlada je donijela Odluku o neprihvatanju amandmana poslanika Kumro Mesuda na Prijedlog Budžeta BPK-a Goražde za 2009. godinu iz razloga što prema saznanjima iz Službe za zapošljavanje BPK-a Goražde visina obezbijedenih sredstava i sredstava koja su već planirana u Budžetu Ministarstva za boračka pitanja bit će dovoljna za isplate demobilisanim borcima na ime naknade za privremenu nezaposlenost.

Amandman Adžem Memsura

Vlada je donijela Odluku o neprihvatanju amandmana poslanika Adžem Memsura na prijedlog Budžeta BPK-a Goražde za 2009. godinu iz razloga što već postoje sredstva planirana za rekonstrukciju i investiciono održavanje, a obzirom na vrijeme u kojem se nalazimo, Ministarstvo i škola trebaju da urade projekat i kandiduju na jednu od viših instanci tamo gdje su otvoreni javni pozivi i obezbijede sredstva.

Amandman Žuga Damira

Vlada je donijela Odluku o neprihvatanju amandmana poslanika Žuga Damira na prijedlog Budžeta BPK-a Goražde za 2009. godinu. Bilo je predloženo da se sa naknada troškova zaposlenih izdvoji 20.000 KM i 20.000 na ime granta Federacije, te da se Ministarstvu za privredu – Učešće u zajedničkim projektima smanji za 26.000 KM i to 13.000 KM iz vlastitih prihoda, a 13.000 KM iz granta Federacije i da se ova sredstva povećaju na ekonomskom kodu Ministarstva za boračka pitanja – Grantovi neprofitnim organizacijama. Prema ocjeni Ministarstva za boračka pitanja ima dovoljno sredstava za realizaciju zahtjeva po ovom osnovu i nema potrebe da se sredstva povećavaju.

Amandman Milović Daliborke

Koja je predložila da se za 200.000 KM planiraju sredstva radi održivosti povratka i to sa ekonomskog koda – Podsticaj poljoprivredi 614 400 – podsticaj u proizvodnji, odnosno Mljekari „Milgor“. Nakon informacije ministra za socijalnu politiku, zdravstvo, raseljena lica i izbjeglice utvrđeno je da je već 400.000 KM predviđeno za održivi povratak i praktično je poslanica Daliborka Milović odustala od svog amandmana. Nažalost, nije se pismeno izjasnila i danas moramo donijeti Odluku o neprihvatanju amandmana poslanice Daliborke Milović.

Amandman Đozo Hasana

Poslanici Đozo Hasan, Imamović Ibrahim i Terović Dževad , praktično, na istom kodu su podnijeli amandmane i Vlada je prihvatila Amandman o povećanju za 300.000 KM na kodu za Podsticaj industrijskoj proizvodnji, pa se može kazati da se formalno odbija.

Kožo Mersudin - U ime Kluba Socijaldemokratske partije BiH želim da se očitujem o stavu Vlade na amandmane Kluba Socijaldemokratske partije BiH. Klub Socijaldemokratske partije BiH ostaje pri svojim amandmanima. Amandmani I, II i III tražimo da ostanu u tekstu koji je predložen, a što se tiče Amandmana IV za formiranje posebnog fonda koji bi bio izvor za pomoć građanima i privredi pogođenim ekonomskom krizom, mišljenja smo da Vlada, odnosno Skupština, danas pokušava iznaći danas način da se uspostavi ovaj fond. Spremni smo da se ekonomski kod, eventualno izmijeni, koji smo predložili na Skupštini i formira na nekom drugom kodu, s tim što predlažemo da se u odnosu na predloženi 1.445.500 KM, ovaj amandman umanji na 1.225.500 KM, na taj način što se ne bi skidalo 200.000 KM sa konta 614 100 sa Ministarstva za obrazovanje, nauku, kulturu i sport, a tiče se transfera za informisanje i Centra za stručnu obuku.

Nakon što su se poslanici i klubovi poslanika izjasnili o prihvatanju i neprihvatanju prijedloga Vlade BPK-a Goražde na amandmane koje su iznijeli, prešlo se na glasanje o ponuđenim amandmanima na Prijedlog Budžeta BPK-a Goražde za 2009.godinu.

I Amandman Kluba poslanika Stranke za Bosnu i Hercegovinu kojim se predlaže da se na ekonomskom kodu 614 100 – grant Općini Goražde planirani iznos od 960.000 KM poveća na iznos od 1.260.000 KM /tj. povećanje za 300.000 KM/ Skupština Bosansko-podrinjskog kantona Goražde sa 8 glasova „za“, 4 „protiv“ i 10 „uzdržanih“ glasova nije prihvatila .

II Amandman Kluba poslanika Stranke za Bosnu i Hercegovinu da se na ekonomskom kodu 821 600 – Investicije u vodoprivredne objekte planirani iznos od 140.000 KM poveća na 440.000 KM /tj. za 300.000 KM/ Skupština Bosansko-podrinjskog kantona Goražde sa 8 glasova „za“, 2 „protiv“ i 12 „uzdržanih“ glasova nije prihvatila.

III Amandman Kluba poslanika Stranke za Bosnu i Hercegovinu da se na ekonomskom kodu 615 100 – kapitalni projekti nižim nivoima vlasti planirani iznos od 280.000 KM poveća na 420.000 KM /tj. za 140.000 KM/ i to namjenski za finansiranje deponije čvrstog otpada koja je također od kantonalnog interesa, a planirana je u Budžetu Općine Goražde za period 2009.-2011 Skupština Bosansko-podrinjskog kantona Goražde sa 8 glasova „za“, 1 „protiv“ i 13 „uzdržanih“ glasova nije prihvatila.

Kožo Mersudin – U ime Kluba poslanika Socijaldemokratske partije

Klub poslanika Socijaldemokratske partije BiH prihvata da se **Amandman IV** izmijeni. Ostajemo pri stavu da sredstva za programe za pomoć građanima i privredi pogođenih ekonomskom krizom i recesijom se zadrže na ekonomskom kodu koji će biti vezan za Skupštinu BPK-a Goražde. Kroz Zakon o izvršenju Budžeta ćemo definisati da sa ovim sredstvima može raspolagati samo Skupština BPK-a Goražde na način da zaduži Vladu ili neko Ministarstvo da uradi program. Taj program verifikuje i odobri Skupština i nakon toga

novac sa tog ekonomskog koda postaje operativan i raspoređuje se tim budžetskim korisnicima.

Umjesto 1.445.500 KM Socijaldemokratska partija BiH prihvata da se sredstva umanje za 200.000 KM sa *koda 614 100* – Ostali transferi, odnosno informisanje i Centar za stručnu obuku. Zatim da se umanji za 600.000 KM koji se odnose na opštine u sastavu BPK-a Goražde po 200.000 KM za Goražde, Praču i Ustikolinu, znači ostaje kako je Vlada predvidjela u Prijedlogu Budžeta i da se umanji naš Amandman za 60.000 KM koji se odnosi na tekuću budžetsku rezervu *kod 600 000*. Umanjenjem za ove stavke sredstva za pomoć građanima i privredi koji su pogođeni ekonomskom krizom iznosila bi 585.500 KM.

Skupština Bosansko-podrinjskog katnona Goražde sa 17 glasova „za“ i 5 „uzdržanih glasova“ prihvatila je Amandman IV Kluba poslanika Socijaldemokratske partije BiH.

Frašto Emir

AMANDMAN I

- Kod Kantonalnog suda Goražde umanjiti 50.000 KM
- Kod Općinskog suda Goražde umanjiti 30.000 KM
- Kod Kantonalnog tužilaštva Goražde umanjiti 30.000 KM

sa stavke bruto plate i naknade, ukupno 110.000 KM i da se ta sredstva ubace u Fond za pomoć građanima i privredi pogođenoj recesiji, u ovaj novi fond što formiramo.

Skupština Bosansko-podrinjskog kantona Goražde sa 13 glasova „za“, 3 „protiv“ i 6 „uzdržanih“ glasova prihvatila je amandman poslanika Frašto Emira.

Kumro Mesud

Moj Amandman se odnosio na isplatu novčane naknade za demobilisane borce. Borci za ovu godinu imaju 450.000 KM, a treba im 1.800.000 KM.

Vlada Kantona je predvidjela 500.000 KM na kodu Ministarstva za boračka pitanja ekonomski kod 614200 – Naknada za vrijeme nezaposlenosti boračkih populacija /250.000 KM iz vlastitih prihoda i 250.000 KM iz eventualnog granta Federacije BiH/.

Smatram da ta sredstva nisu dovoljna i predlažem da Vlada Kantona ovom kodu obezbijedi dodatnih 1.000.000 KM iz vlastitih prihoda.

Skupština Bosansko-podrinjskog kantona Goražde sa 7 glasova „za“, 1 „protiv“ i 14 „uzdržanih“ glasova nije prihvatila amandman g-dina Kumro Mesuda.

Adžem Memsur

Ostajem pri svom Amandmanu na kojem sa napravio jednu malu izmjenu.

1/ Ministarstvo za privredu – ekonomski kod 614 400, zamijenit ću sa kodom 613 300 – Izdaci za komunalije, umanji iznos za 40.000 KM /sve iz vlastitih prihoda/

- Ova sredstva povećati na ekonomskom kodu OŠ „Mehmedalija Mak Dizdar“ Vitkovići, 821 600 – „Rekonstrukcija i investiciono održavanje“ koji je planiran u ukupnom iznosu od 108.000 KM, povećati na 148.000 KM /povećanje za 40.000 KM sve iz vlastitih prihoda za sanaciju i rekonstrukciju sportskog školskog terena u Beriču/.

Skupština Bosansko-podrinjskog kantona Goražde sa 12 glasova „za“ i 9 „uzdržanih“ glasova prihvatila je amandman poslanika g-dina Adžem Memsura.

Žuga Damir – Na osnovu člana 140. stav 2. i člana 141. Poslovnika Skupštine Bosansko-podrinjskog kantona Goražde /“Službene novine BPK-a Goražde“, broj: 10/08/, podnio sam slijedeći:

A m a n d m a n

na Prijedlog Budžeta BPK-a Goražde za 2009. godinu

Da se sa ekonomskih kodova:

1/ Vlade Kantona – ekonomski kod „611 200 – „Naknada troškova zaposlenih“ skine iznos od 40.000 KM /20.000 KM iz vlastitih prihoda, a 20.000 KM iz granta Federacije/.

2/ Ministarstvo za privredu – ekonomski kod 822 521 – „Učešće u zajedničkim ulaganjima UNHCR, SERDA, IPA, skine iznos od 26.000 KM /13.000 KM iz vlastitih prihoda, a 13.000 KM iz granta Federacije/.

Da se ova sredstva povećaju na ekonomskom kodu Ministarstva za boračka pitanja 614 300 „Grantovi neprofitnim organizacijama“ koji je planiran u ukupnom iznosu od 200.000 KM, poveća na 266.000 KM /33.000 KM iz vlastitih prihoda, a 33.000 KM iz granta FBiH/.

Skupština Bosansko-podrinjskog kantona Goražde sa 7 glasova „za“, 2 „protiv“ i 13 „uzdržanih“ glasova nije prihvatila amandmane poslanika g-dina Žuga Damira.

Turčalo Mehmed – predsjednik Komisije za obrazovanje, kulturu, informisanje i sport.

Komisija za obrazovanje, kulturu, informisanje i sport podnijela je slijedeći:

A m a n d m a n

Na kodu 614 100 – ostali transferi, informisanje, Centar za stručnu obuku iznos od 300.000 KM povećati za 188.000,00 KM, tako da iznosi 488.000,00 KM.

Sredstva u iznosu od 188.000,00 KM obezbijedit će se sa koda 600 000 – tekuća budžetska rezerva /50% sredstava iz vlastitih prihoda, a 50% iz potpore grantova Federacije/.

Vlada je djelimično prihvatila amandman Komisije. Dobro bi bilo da se da garancija da se ovo isključivo odnosi na pomoć J.P. RTV BPK-a Goražde.

Po ovom Amandmanu učešće u diskusiji uzeli su: Imamović Ibrahim, Turčalo Mehmed, Uruči Nazif, premijer BPK-a Goražde i Žuga Damir.

Skupština Bosansko-podrinjskog kantona Goražde sa 7 glasova „za“, 2 „protiv“ i 13 „uzdržanih“ glasova nije prihvatila amandman Komisije za obrazovanje, kulturu, informisanje i sport.

Amandman g-de Daliborke Milović Skupština Bosansko-podrinjskog kantona Goražde za 7 glasova „za“, 4 „protiv“ i 11 „uzdržanih“ glasova nije prihvatila.

Na kraju, Skupština Bosansko-podrinjskog kantona Goražde je sa 13 glasova „za“, 5 „protiv“ i 4 „uzdržana“ glasa donijela Budžet Bosansko-podrinjskog kantona Goražde za 2009. godinu u iznosu od **40.967.390 KM**.

Uvodno obrazloženje po Prijedlogu Zakona o izvršenju Budžeta Bosansko-podrinjskog kantona Goražde dao je premijer Bosansko-podrinjskog kantona Goražde Nazif Uruči i istakao da je Vlada Bosansko-podrinjskog kantona Goražde napravila određene amandmane na Prijedlog Zakona o izvršenju Budžeta Bosansko-podrinjskog kantona Goražde, shodno amandmanima koji su predloženi na Budžet Bosansko-podrinjskog kantona Goražde.

Amandman I

U članu 22. stav 1. mijenja se i glasi:

„Ministarstvo finansija, na prijedlog budžetskog korisnika, može donijeti Odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika“.

U istom članu stav 3. prije riječi: „korisnika“ dodaje se riječ: „budžetskih“.

Amandman II

Član 26. mijenja se i glasi:

„Premijer može raspolagati sredstvima iz tekuće rezerve budžeta do iznosa od 10.000,00 KM kvartalno.

Ministar za finansije, obavezno, tromjesečno izvještava Vladu Kantona o korištenju sredstava tekuće rezerve. Vlada Kantona polugodišnje izvještava Skupštinu Kantona o korišćenju sredstava tekuće rezerve.

Budžetsko izdvajanje za tekuću rezervu ne smije preći 3% ukupnih prihoda, isključujući primitke“.

U kontekstu prijedloga za formiranje Fonda gdje je usvojen Amandman da se na kodu Skupštine 614 243 - Transferi za posebne namjene, obzirom da se radi o prilično vanrednoj situaciji gdje se dešava izdvajanje sredstava za obezbjeđivanje uslova da ljudi ne ostaju bez posla u preduzećima, predlažemo da se u članu 35. doda novi stav koji glasi:

„Transfer za posebne namjene“ koristiće se po programima i kriterijima koje utvrdi Skupština Kantona“.

U članu 36. stav 1. glasi:

„Sredstva utvrđena u razdjelu 11. Budžeta, pozicije „Grant Općini Goražde“, „Grant Općini Foča-Ustikolina“, Grant Općini Pale-Prača“, „Ostali grantovi pojedincima“, „Transfer za naselja pogodjena elementarnim nepogodama“, koristiće se na osnovu odluka Vlade“.

Begović Alija – predsjednik Ustavne i zakonodavno-pravne komisije

Ustavna i zakonodavno-pravna komisija Skupštine Bosansko-podrinjskog kantona Goražde razmatrala je Prijedlog Zakona o izvršenju Budžeta Bosansko-podrinjskog kantona Goražde i zauzela slijedeći:

S t a v

Prijedlog Zakona o izvršenju Budžeta Bosansko-podrinjskog kantona Goražde predložen je od ovlaštenog predlagača, pravno je utemeljen i postoji potreba za njegovim donošenjem. Usklađen je sa procedurama iz člana 23. i 24. Zakona o budžetima Federacije Bosne i Hercegovine i predlaže se Skupštini Bosansko-podrinjskog kantona Goražde vodi raspravu i donese Zakon o izvršenju Budžeta Bosansko-podrinjskog kantona Goražde za 2009. godinu.

Otvaram raspravu po Prijedlogu Zakona o izvršenju Budžeta BPK-a Goražde za 2009. godinu.

Žuga Damir – Na osnovu članova 140., 141. i 142. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, na Prijedlog Zakona o izvršenju Budžeta Bosansko-podrinjskog kantona Goražde za 2009. godinu, podnosim slijedeće amandmane:

Amandman I

U članu 12. na kraju člana, umjesto tačke stavlja se zarez i dodaje slijedeće: „uz predhodnu saglasnost Skupštine Bosansko-podrinjskog kantona Goražde, ako se radi o iznosu većem od 10.000 KM“.

Amandmn II

U članu 20. – Budžet će se izvršavati po slijedećim prioritetima:

Pod rednim brojem 2. iza riječi: „transfer za socijalnu politiku“, umjesto zarez a dodaju se riječi: „i boračke populacije“.

Amandman III

Revizija i kontrola izvršenja Budžeta

U članu 45. stav 4. „Vlada Kantona dužna je dostavljati Skupštini Bosansko-podrinjskog kantona Goražde, na informaciju, tromjesečne i polugodišnje izvještaje koje

Ministarstvo za finansije podnosi Vladi Kantona i to u roku od 30 dana nakon što Minsitarstvo za finansije podnese Izvještaj Vladi Kantona“.

Predlažem da se riječi: „na informaciju“ brišu.

Kada se radi o tromjesečnom izvještaju to može biti informacija, a kada se radi o polugodišnjem izvještaju o njemu bi se trebalo glasati.

Žuga Damir – Na osnovu članova 140., 141., 142. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, na Prijedlog Zakona o izvršenju Budžeta Bosansko-podrinjskog kantona Goražde za 2009. godinu, podnosim slijedeći:

A m a n d m a n

U članu 22. mijenja se stav 1. i isti glasi:

„Ministarstvo finansija, na prijedlog i saglasnost oba budžetska korisnika, onom kome se uzimaju, odnosno onom kome se dodjeljuju sredstva, može donijeti Odluku o prestruktuiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika“.

Imamović Ibrahim – Klub poslanika Socijaldemokratske partije BiH, na temelju člana 40. i 140. stav 2. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, na Prijedlog Zakona o izvršenju Budžeta Bosansko-podrinjskog kantona Goražde za 2009. godinu, predlaže slijedeći:

A m a n d m a n

Član 39. Zakona mijenja se i glasi:

Sredstva utvrđena u razdjelu 17. Budžeta pozicije „Transfer za razvoj turizma“, „Subvencije javnim preduzećima“, „Podsticaji industrijskoj proizvodnji“, „Podsticaji poljoprivrednoj proizvodnji – mljekara“, „Transfer za podsticaj razvoju poduzetništva i obrta“, koristit će se po programima i kriterijima na koje saglasnost daje Skupština Bosansko-podrinjskog kantona Goražde.

Kapitalni grantovi nižim nivoima vlasti doznačavat će se u skladu sa prilivom sredstava u Budžet Bosansko-podrinjskog kantona Goražde, nakon isplate prioriteta utvrđenih ovim Zakonom.

Za sredstva sa troškovnog mjesta Skupština Kantona budžetski kod 614 500 – Sredstva za pomoć građanima i privredi pogođenim ekonomskom krizom Vlada će predložiti Skupštini posebne programe, koje Skupština potvrđuje i putem svojih komisija nadgleda transfere i korištenje sredstava.

Dalje, u diskusiji po Zakonu o izvršenju Budžeta Bosansko-podrinjskog kantona Goražde za 2009. godinu učestvovali su: Imamović Ibrahim, Turčalo Mehmed i Bašić Redžo.

Terović Dževad – Na osnovu člana 140. stav 1. i 2. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, predložio sam dva amandmana. Odustajem od I Amandmana jer je Vlada razmišljala kao i ja, a želim da uložim drugi Amandman:

U članu 49. se kaže: „Kanton se može zadužiti u slijedeće svrhe:

1/ za finansiranje budžetskog deficita.

Predlažem da se iza zarez za doda slijedeći tekst: „uz predhodnu saglasnost Skupštine Bosansko-podrinjskog kantona Goražde“.

Ostali tekst člana 49. bi ostao isti.

Pozivam predstavnika Vlade Bosansko-podrinjskog kantona Goražde da iznese stav Vlade po predloženim amandmanima na Prijedlog Zakona o izvršenju Budžeta Bosansko-podrinjskog kantona Goražde za 2009. godinu.

Pleh Muhidin – ministar za finansije

Vlada Bosansko-podrinjskog kantona Goražde je razmatrala predložene Amandmane na Prijedlog Zakona o izvršenju Budžeta Bosansko-podrinjskog kantona Goražde za 2009. godinu.

Amandman I poslanika Damira Žuge:

U članu 12. na kraju člana, umjesto tačke stavlja se zarez i dodaje slijedeće: „uz predhodnu saglasnost Skupštine Bosansko-podrinjskog kantona Goražde, ako se radi o iznosu većem od 10.000 KM“.

Vlada Bosansko-podrinjskog kantona Goražde prihvatila je ovaj Amandman i smatra se sastavnim dijelom Zakona o izvršenju Budžeta BPK-a Goražde za 2009. godinu.

Amandmn II poslanika Damira Žuge

U članu 20. – Budžet će se izvršavati po slijedećim prioritetima:

Pod rednim brojem 2. iza riječi: „transfer za socijalnu politiku“, umjesto zarez za dodaju se riječi: „i boračke populacije“.

Vlada Bosansko-podrinjskog kantona Goražde prihvatila je ovaj Amandman, jer je ovdje napravljen tehnički propust i smatra se sastavnim dijelom Zakona o izvršenju Budžeta BPK-a Goražde za 2009. godinu.

Amandman III poslanika Žuga Damira

Revizija i kontrola izvršenja Budžeta

U članu 45. stav 4. „Vlada Kantona dužna je dostavljati Skupštini Bosansko-podrinjskog kantona Goražde, na informaciju, tromjesečne i polugodišnje izvještaje koje Ministarstvo za finansije podnosi Vladi Kantona i to u roku od 30 dana nakon što Minsitarstvo za finansije podnese Izvještaj Vladi Kantona“.

Predlažem da se riječi: „na informaciju“ brišu.

Kada se radi o tromjesečnom izvještaju to može biti informacija, a kada se radi o polugodišnjem izvještaju o njemu bi se trebalo glasati.

U članu 65. do 77. Zakona o Budžetima/proračunima u Federaciji Bosne i Hercegovine /“Službene novine F/BiH“, broj: 19/06, 76/08 i 5/09/, je definisano u članu 73. da se dostavljaju godišnji izvještaji o izvršenju Budžeta, znači samo godišnji izvještaji, odnosno šest mjeseci po isteku obračunskog perioda. Taj Amandman je na neki način u koliziji i Vlada Bosansko-podrinjskog kantona Goražde ga nije prihvatila.

Amandman IV poslanika Žuga Damira

U članu 22. mijenja se stav 1. i isti glasi:

„Ministarstvo finansija, na prijedlog i saglasnost oba budžetska korisnika, onom kome se uzimaju, odnosno onom kome se dodjeljuju sredstva, može donijeti Odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika“.

Ovo je u koliziji za Zakonom o izmjenama i dopunama Zakona o Budžetu /“Službene novine F/BiH“, broj: 5/09/. Vlada nije prihvatila ovaj Amandman.

Amandman Kluba poslanika Socijaldemokratske partije BiH

Član 39. Zakona mijenja se i glasi:

Sredstva utvrđena u razdjelu 17. Budžeta pozicije „Transfer za razvoj turizma“, „Subvencije javnim preduzećima“, „Podsticaji industrijskoj proizvodnji“, „Podsticaji poljoprivrednoj proizvodnji – mljekara“, „Transfer za podsticaj razvoju poduzetništva i obrta“, koristit će se po programima i kriterijima na koje saglasnost daje Skupština Bosansko-podrinjskog kantona Goražde.

Kapitalni grantovi nižim nivoima vlasti doznačavat će se u skladu sa prilivom sredstava u Budžet Bosansko-podrinjskog kantona Goražde, nakon isplate prioriteta utvrđenih ovim Zakonom.

Za sredstva sa troškovnog mjesta Skupština Kantona budžetski kod 614 500 – Sredstva za pomoć građanima i privredi pogođenim ekonomskom krizom Vlada će predložiti Skupštini posebne programe, koje Skupština potvrđuje i putem svojih komisija nadgleda transfere i korištenje sredstava.

Vlada Bosansko-podrinjskog kantona Goražde prihvatila je prva dva stava Amandmana Kluba poslanika Socijaldemokratske partije BiH, a treći stav je ugrađen u član 35. Zakona zadnji stav. Prema tome nema potrebe za prihvatanje tog dijela.

Amandman poslanika Terović Dževada

U članu 49. se kaže: „Kanton se može zadužiti u slijedeće svrhe:

1/ za finansiranje budžetskog deficita.

Predlažem da se iza zarezova doda slijedeći tekst: „uz prethodnu saglasnost Skupštine Bosansko-podrinjskog kantona Goražde“.

Ostali tekst člana 49. bi ostao isti.

Predloženi Amandman Vlada Bosansko-podrinjskog kantona Goražde je usvojila.

Begović Alija – predsjedavajući Skupštine

Stavljam na glasanje Prijedlog Zakona o izvršenju Budžeta Bosansko-podrinjskog kantona Goražde za 2009. godinu sa usvojem amandmanima koji su postali sastavnim dijelom Zakona.

Konstatiram da je Skupština Bosansko-podrinjskog kantona Goražde sa 19 glasova „za“ i 3 „uzdržana“ glasa donijela Zakon o izvršenju Budžeta Bosansko-podrinjskog kantona Goražde za 2009. godinu.

Tačka 8.-

Prijedlog Odluke o davanju saglasnosti na Finansijski plan Zavoda zdravstvenog osiguranja Bosansko-podrinjskog kantona Goražde za 2009. godinu.

Po ovoj tački dnevnog reda u diskusiji su učestvovali: Terović Dževad, Obuća Bajro, Žuga Damir, Begović Alija, Frašto Emir, Sijerčić Emir predsjednik Upravnog odbora Zavoda zdravstvenog osiguranja BPK-a Goražde.

Obrazloženje po Finansijskom planu Zavoda zdravstvenog osiguranja Bosansko-podrinjskog kantona Goražde za 2009. godinu dao je ministar Imamović Demir ministar za socijalnu politiku, zdravstvo, raseljena lica i izbjeglice.

Dalje, u diskusiji su učestvovali: Sijerčić Emir predsjednik Upravnog odbora Zavoda zdravstvenog osiguranja BPK-a Goražde, Ferhatović Jasmin, Terović Dževad, Bilić Dragomir, Frašto Emir, Obuća Bajro, Mulaćević Mirsad, Borović Mensud, Žuga Damir ministar i Imamović Demir ministar za socijalnu politiku, zdravstvo, raseljena lica i izbjeglice.

Skupština Bosansko-podrinjskog kantona Goražde sa 14 glasova „za“, 1 „protiv“ i 7 „uzdržanih glasova“ donijela je Odluku o davanju saglasnosti na Finansijski plan Zavoda zdravstvenog osiguranja Bosansko-podrinjskog kantona Goražde za 2009. godinu.

Tačka 9.-

Prijedlog Odluke o davanju saglasnosti na Finansijski plan Službe za zapošljavanje Bosansko-podrinjskog kantona Goražde za 2009. godinu.

Skupština Bosansko-podrinjskog kantona Goražde sa 21 glasom „za“ i 1 glasom „protiv“ donijela je Odluku o davanju saglasnosti na Finansijski plan Službe za zapošljavanje Bosansko-podrinjskog kantona Goražde za 2009. godinu.

Pošto je dnevni red iscrpljen predsjedavajući Skupštine zaključio je nastavak 20-te sjednice Skupštine u 18:15 sati.